

MIRZA ČELIK
Zastupnik SDA u Skupštini KS
Sarajevo 24. 06. 2019.godine

BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
SKUPŠTINA KANTONA SARAJEVO
Ministarstvo za obrazovanje, nauku i mlade Kantona Sarajevo
N/r Ministrice Zinete Bogunić

PREDMET: Zastupnička inicijativa

Pokrećem inicijativu prema Ministarstvu za obrazovanje, nauku i mlade Kantona Sarajevo da u pripremama za predstojeću 2019./2020. školsku godinu, pri anketiranju učenika po pitanju odabira maternjeg jezika u školama obavezno primjenjuje odredbe člana 8. Ustava Kantona Sarajevo (Amandman na Ustav LIII), člana 7. Zakona o osnovnom odgoju i obrazovanju Kantona Sarajevo, člana 9. Zakona o srednjem obrazovanju Kantona Sarajevo kao i Zaključaka naučnog odbora Naučnog savjetovanja o pitanju jezika od 6. aprila 2019. godine.

OBRAZLOŽENJE

Ministarstvo za obrazovanje, nauku i mlade Kantona Sarajevo je krajem prvog polugodišta školske 2018./2019. godine jednim hibridnim rješenjem, mimo Ustava Kantona Sarajevo i zakona o osnovnom i srednjem obrazovanju, izmijenilo nastavne planove i programe uvođenjem tzv. "četvrte varijante" naziva maternjeg jezika – "*Bosanski jezik i književnost, Hrvatski jezik i književnost, Srpski jezik i književnost*". Ustav i Zakoni su jasno definisali tri odvojena naziva jezika, te su izmjene NPiP i instrukcije o načinu upisa u evidenciju i dokumentaciju bile protivustavne i protivzakonite.

Tada je ministrica izjavila da će u konačnici sud o svemu dati struka i da će se ovo pitanje sa uličnih rasprava premjestiti u stručne rasprave na okruglom stolu, koji je održan, stavovi i zaključci su donešeni a ministrica se obavezala da će zaključci struke konačno definisati odgovor na pitanje maternjeg jezika u školama u Kantonu Sarajevo, te da će isti biti javno objavljeni.

Zaključci naučnog odbora Naučnog savjetovanja „Bosanski, hrvatski i srpski jezik i književnost naroda Bosne i Hercegovine u obrazovnom sistemu u Bosni i Hercegovini“ su definisali jedan Nastavni plan i program za tri jezika, ali sa jasnom distinkcijom da se isti ne može koristiti kao naziv za jezik u pedagoškoj dokumentaciji i evidenciji, kao ni javnim ispravama koji se odnose na pojedinačne učenike. Naziv za jezik u stavu 3. Zaključka jasno definiše da se u evidenciji i javnim ispravama može konstatovati samo jedan od tri naziva jezika, kako to definiše Ustav Kantona Sarajevo i zakoni o osnovnom i srednjem obrazovanju. Struka eksplicitno odbacuje mogućnost kombinavanja naziva tih jezika, kako je resorna ministrica ponudila kao hibridno rješenje u školskoj 2018./2019. godini.

Budući da je Ustav Kantona Sarajevo jasan, kao i zakoni o osnovnom i srednjem obrazovanju, te da je struka dala konačnu riječ po ovom pitanju pokrećem inicijativu da Ministarstvo obrazovanja postupi kako je ustavno i zakonito, prema preporukama struke, i školama dostavi ankete koje su u skladu sa rješenjima ustava, zakona i struke. To podrazumijeva da učenici biraju jedan od tri naziva jezika, koji će biti korišten u evidencijama i javnim ispravama.

Napominjem da će svaka druga praksa Ministarstva na terenu biti shvaćena kao djelovanje suprotno odredbama Ustava Kantona Sarajevo i Zakona o osnovnom odgoju i obrazovanju i Zakona o srednjem obrazovanju Kantona Sarajevo.

Dr. Mirza Čelik